



Ministry of Civil Affairs

Broj: 14-16-3-1-11/21

Datum: 17.02.2021. godine

Na osnovu člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

ODLUKU

o izboru najpovoljnijeg ponuđača

I

Najpovoljniji ponuđač u postupku javne nabavke usluga uvoza, skladištenja i transporta-LOT 4- Temperaturni režim: Suho skladište-ambijentalna temperatura, koji je proveden u skladu sa procedurom pregovaračkog postupka bez objave obavještenja o nabavci je Hercegovinalijek d.o.o. Mostar.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu Poziva za dostavljanje zahtjeva za učešće u pregovaračkom postupku bez objave obavještenja za nabavku uvoza, skladištenja i transporta, Komisija u postupku javne nabavke uvoza, skladištenja i transporta (u daljem tekstu: Komisija), je konstatovala da je rok za dostavljanje zahtjeva za učešće 11.02.2021. godine do 10:00 sati, te da su do navedenog roka na protokol Ministarstva civilnih poslova Bosne i Hercegovine pristigla 4 zahtjeva za učešće i to kandidata: Hercegovinalijek d.o.o. Mostar, PHARMA MAAC d.o.o. Sarajevo, Unifarm d.o.o. Lukavac i MEDIMPEX d.o.o. Sarajevo.

Komisija je dana 11.02.2021. godine izvršila otvaranje blagovremeno dostavljenih zahtjeva za učešće i tom prilikom utvrdila da svi kandidati ispunjavaju sve tražene uslove, odnosno da su kvalifikovani.

Nakon toga kvalifikovanim kandidatima je upućen poziv za dostavljanje početnih ponuda i pregovaranje.

Komisija je konstatovala da je rok za dostavu početnih ponuda 15.02.2021. godine do 10:00 sati, te da su do navedenog roka pristigle 4 ponude i to ponuđača: Hercegovinalijek d.o.o.

Mostar, PHARMA MAAC d.o.o. Sarajevo, Unifarm d.o.o. Lukavac i MEDIMPEX d.o.o. Sarajevo. Ponuda ponuđača PHARMA MAAC d.o.o. Sarajevo nije prihvatljiva jer nije dostavljena Izjava koja je sastavni dio Aneksa 1- Obrazac za ponudu za izjavom. Nakon toga, sa ponuđačima koji su dostavili prihvatljive ponude provedeni su pregovori. Na osnovu uslova postignutih na pregovorima, ponuđači su pozvani da dostave konačnu ponudu.

Do 16.02.2021. godine do 13:00 sati na protokol Ministarstva civilnih poslova Bosne i Hercegovine pristigle su 3 ponude za LOT 4 i to ponuđača: Hercegovinalijek d.o.o. Mostar, Unifarm d.o.o. Lukavac i MEDIMPEX d.o.o. Sarajevo. Komisija je utvrdila da su sve konačne ponude prihvatljive, da su dostavljeni svi traženi dokazi, na propisan način, te da ispunjavaju sve zahtjeve u pogledu opisa predmeta nabavke i tehničkih specifikacija.

Analizom ponude primjenom kriterija najniža cijena Komisija je utvrdila sljedeće:

Najpovoljnija je ponuda ponuđača Hercegovinalijek d.o.o. Mostar sa ukupnom cijenom 12,80 KM bez PDV-a (cijena transporta po kilometru 2,80 KM bez PDV-a i cijena skladištenja po danu na osnovu prostora koji roba zauzima iskazanom po paleti 10,00 KM bez PDV-a), odnosno 14,976 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. Ponuđačima - elektronski
2. Web stranica Ministarstva – na objavu
3. a/a